



28. april 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut apeqqut:**

- **Sarfanguani meeqqat atuarfiata aserfallalluinnarsimasoq qaqugu iluarsaanniarneqarpa?**

(Hans Enoksen)

**Tungavilersuut:**

Nunaqarfinni atuarfiit siorna 2009-mi iluarsanneqartussaagaluartut arlalissuit Naalakkersuisunik unitsinneqarput, tassungalu aamma ilanngunneqarluni Sarfanguani meeqqat atuarfiat.

Sarfanguani pisariaqartinneqarpoq atuarfiup iluarsanneqarnissaa, tassami ullutsinnut aamma naleqquttumik minnerunngitsumillu aamma atuarfitsialaap anguniagaanut naleqquttunik meeqqat atuarfeqarnissaat pingaaruteqarluinnarmat. Aammalu Sarfanguit atuarfianni ilinniartitaanikkut atukkat meeqqanut pitsanngorsarniarlugit anguniarlugit ilungersormata.

Sarfanguani inuussutissarsiornikkut periarfissat pitsaalluinnartutut oqaatigissallugit assortorneqarsinnaangilaq. Aalisarnikkut piniarnikkullu inissisimalluarpoq, aammalu innuttaasut nunaqarfimmini napatitsilluernerat takussutissaqarluarluni.

Taamaattumik siunissami inoqartuarnissaa qularnanngilluinnarpoq. Taamanikkut Naalakkersuisut atuarfinnik iluarsagassanik nunaqarfinni unititsigassi ilaatigut oqaatigaarsi ukioq ataaseq kinguartinneqaannartut, massakkut qanoq pilersaaruteqarpisi Sarfanguani atuarfiup iluarsanneqarnissaa eqqarsaatigalugu.

Ersarissumillu akineqarnissara kissaatigaara.

Ikinngutinnersumik inuulluaqqusillunga

Hans Enoksen  
Siumut